

“**MILLIY
TIKLANISH**
DEMOKRATIK
PARTIYASI

2025-2029

SAYLOVOLDI DASTURI





“MILLIY TIKLANISH” DEMOKRATIK PARTIYASINING
2025-2029-YILLARGA MO’LJALLANGAN

SAYLOVOLDI DASTURI

2024-yil 5-sentabr
“Milliy tiklanish” demokratik partiyasining
IX Qurultoyida tasdiqlangan

MUNDARIJA

MUQADDIMA

I. BARKAMOL AVLOD SALOHIYATINI RO'YOBGA CHIQARISH

7

- 1.1. Ma'naviy tarbiya va sifatli ta'limgan
- 1.1.1. Maktabgacha va muktab ta'limi
- 1.1.2. Kasb-hunar, oliy va oliy ta'limgan keyingi ta'limgan
- 1.2. Jismoniy tarbiya va sport

II. MA'NAVIY YUKSALISH VA MADANIYATNI RIVOJLANTIRISH

12

- 2.1. Milliy madaniyat va ma'naviyatni rivojlantirish, qadriyatlarni asrash va boyitish
- 2.2. Madaniy meros muhofazasi, undan foydalanish, tashkiliy-huquqiy asoslari
- 2.3. Davlat tili maqomini oshirish, keng targ'ib etish

III. OILANI MUSTAHKAMLASH, AYOLLAR VA YOSHLARGA MUNOSIB SHAROITLAR YARATISH

16

- 3.1. Oila instituti va oilaviy qadriyatlarni mustahkamlash
- 3.2. Xotin-qizlarni qo'llab-quvvatlash
- 3.3. Partiyaning yoshlarga oid siyosati
- 3.4. Sog'lom va faol hayotni ta'minlash, millat genofondini saqlash

IV. MILLIY IQTISODIYOT VA TURIZMNI RIVOJLANTIRISH

21

- 4.1. Milliy iqtisodiyotni rivojlantirish
- 4.2. Milliy turizmni rivojlantirish

V. MILLIY VA UMUMINSONIY QADRIYATLARGA TAYANGAN JAMIYAT BARPO ETISH

24

- 5.1. Davlat va jamoat tashkilotlari boshqaruvini takomillashtirish
 - 5.1.1. Davlat hokimiyati va boshqaruvi organlari samaradorligini oshirish
 - 5.1.2. Oliy Majlis palatalari va siyosiy partiyalar
 - 5.1.3. Mahalliy davlat hokimiyati, o'zini o'zi boshqarish organlari faoliyatini takomillashtirish, fuqarolik jamiyatini rivojlantirish
- 5.2. Qonun ustuvorligini ta'minlash
- 5.3. Sud-huquq tizimini isloh qilish

VI. XAVFSIZLIK VA AHOLI MUHOFAZASINI KUCHAYTIRISH

30

- 6.1. Xavfsiz milliy axborot makonini rivojlantirish
- 6.2. Milliy armiya mudofaa salohiyatini oshirish
- 6.3. Aholi hayotiga xavf soluvchi vaziyatlar, iqlim o'zgarishlariga qarshi choralar
- 6.4. Millatlararo totuvlik va bag'rikenglikni ta'minlash

VII. XALQARO MAYDONDA MILLIY MANFAATLAR USTUVORLIGI

35

- 7.1. Milliy tashqi siyosat
- 7.2. Xorijdagi vatandoshlar bilan aloqalar



PARTIYANING **BOSH MAQSADI**

- QUDRATLI DAVLATGA TAYANGAN, QONUNLAR MILLIY VA UMUMINSONIY QADRIYATLARGA UYG'UN, INSON QADRI BALAND JAMIYAT QURISH
- **QADRIYATLARGA TAYANGAN TARAQQIYOT**
- “BIZ BIRMIZ, O‘ZBEKİSTONLIK MIZ!”
- “QADRIYAT – NAJOT, MOZİY – İBRAT”
- “TA’LIM VA TARBIYA – MILLIY TARAQQIYOT POYDEVORI”
- “OILA – QADRIYATLAR BESHIGI”
- “TA’LIM TARBIYADAN BOSHLANADI”
- “INSON O‘ZGARSA, JAMIYAT O‘ZGARADI”

PARTIYANING **BOSH SHIORI**

PARTIYANING **HARAKAT SHIORLARI**

O'ZBEKISTON "MILLIY TIKLANISH" DEMOKRATIK PARTIYASI:

O'zbekiston Respublikasi taraqqiyotining har bir bosqichida milliy mustaqillik g'oyalariga sodiqligini namoyon etib,

- har qanday sharoitda milliy manfaatlarni murosasiz himoya qilish, ko'p ming yillik milliy-tarixiy tajribaga tayanib ish ko'rish;
- jamiyatni o'zga madaniyatlar hisobiga emas, o'z urf-odat, an'ana va qadriyatlarimizga asoslanib rivojlantirish;
- o'zbek xalqini O'zbekiston Respublikasining borlig'i hamda kelajagining tarixiy-siyosiy kafolati deb bilish, ajdodlarimiz ma'naviy merosi va e'tirof etilgan umuminsoniy qadriyatlar negizida milliy tarbiyani yuksaltirish;
- inklyuziv siyosatga asoslangan holda milliy birlikni mustahkamlash;
- yurtimizda yashovchi barcha millat va elatlarning tili, madaniyati, urf-odatlari, an'analarini hurmat qilish;
- uzlusiz ta'lim bilan bir qatorda uzlusiz tarbiya tizimini shakllantirish, uzlusiz tarbiya va ta'lim uyg'unligini ta'minlash;
- davlat hokimiysi taqsimoti tuzukchiligiga qat'iy amal qilish, uni sayqallab borishni milliy taraqqiyotimiz, ichki va tashqi raqobatbardoshligimizning kafolati deb bilish;
- "Xalq davlatning mavjudligi uchun yagona manba, davlat esa xalq uchun birlik, butunlik va borlik qo'rg'oni" tamoyili asosida mamlakatda vatanparvarlikni targ'ibot qilish;
- qadriyatlarga asoslangan bozor iqtisodiyoti asoslарini mustahkamlash, milliy iqtisodiyotda erkin bozor munosabatlarini shakllantirish, xususiy mulk daxlsizligi, erkin va halol raqobat munosabatlarini so'zsiz ta'minlash;
- vakillik idoralari, ayniqsa, xalq deputatlari tuman va shahar Kengashlarida partianing ta'sirchanligini oshirish orqali fuqarolar qonuniy manfaatlarini izchil himoya qilish, hududlarning ijtimoiy-iqtisodiy yuksalishini ta'minlash, byudjet mablag'larining oqilona yo'naltirilishi va samarali ishlatalishini nazorat qilishda mas'ullikni oshirish;
- mahallalar tizimini o'zini o'zi boshqarishning xalqchil bo'g'ini hamda uni fuqarolar, jamiyat va davlat hayotidagi tub o'zgarishlar taqdirini hal qiluvchi kuch sifatida tan olish;
- sud hokimiyatining fuqarolar va jamiyat hayotida adolat o'rnatishning muhim instituti sifatida shakllanishiga erishish;

- shaxsning huquq va manfaatlarini kafolatlash, fikr va so'z erkinligi, qonun ustuvorligini ta'minlash, korrupsiyaga qarshi ta'sirchan kurashish yo'llarini taklif qilish;
- ijro hokimiyatining barcha bo'g'inlarini qonuniylik, fuqarolik jamiyatni va bozor iqtisodiyoti talablariga muvofiq tashkil etish uchun murosasiz kurashish;
- zamonaviy, adolatli pensiya va tibbiy sug'urta tizimlarini yaratish.

ONA VATANIMIZ – O'ZBEKISTON VA BARCHA O'ZBEKISTONLIKAR, XORIJDA ISTIQOMAT QILAYOTGAN, BIZ UCHUN DOIMO AZIZ BO'LGAN VATANDOSHLARIMIZ MANFAATLARIDAN KELIB CHIQIB, O'ZINING 2025-2029 YILLARGA MO'LJALLANGAN SAYLOVOLDI DASTURINI E'LON QILADI.

Biz uchun "**Qadriyat**" – milliy urf-odat, an'ana va ko'p asrlik tariximizning chuqur ifodasi, voqelikdagi muayyan hodisalarining umuminsoniy, ijtimoiy-axloqiy, madaniy-ma'naviy ahamiyatini ko'rsatish vositasidir.

"Taraqqiyot" – rivojlanishning oddiydan murakkabga, quyidan yuqoriga yo'nalgan shakli bo'lib, jamiyat va davlat rivojining yuksalishini ifodalaydigan, inson tafakkurining ulg'ayish, yangilanish hamda tiklanish yo'nalishidir.

"Qadriyatlarga tayangan taraqqiyot" shiori milliy-madaniy qadriyatlar hamda zamonaviy taraqqiyotning uyg'unligida jonajon O'zbekistonimizni qudratli davlat, xalqimizni farovon bo'lish yo'lida birlashtiruvchi da'vatdir.

O'ZBEKISTON "MILLIY TIKLANISH" DEMOKRATIK PARTIYASI:

- ma'naviy-intellektual taraqqiyotga erishish uchun mamlakatni modernizatsiya qilish, inson kapitalini rivojlantirishga sharoit yaratishni;
- barcha sohada milliy manfaatlar ustuvorligini ta'minlash uchun kurashishni;
- jamiyatda huquqiy, siyosiy ong va madaniyatni oshirish orqali qonun ustuvorligiga erishishni;
- har bir fuqaro davlat tilini bilishi, O'zbekistonda faoliyat ko'rsatayotgan har qanday yuridik shaxsning barcha hujjalari, tashqi yozuvlar davlat tilida yuritilishini;
- har bir fuqaroning o'zbek xalqi va davlatchiligi tarixi, tili va adabiyoti hamda madaniyatiga hurmat bilan qarashi, shuningdek, ular haqida yetarli darajada tushuncha, axborot va bilimga ega bo'lishiga erishishni;
- jamiyatimizning barqaror rivojlanishi, millatlararo totuvlikning ishonchli kafolati sifatida milliy axborot makoni va ta'lim tizimi imkoniyatlarini to'liq ishga solishni;
- iqtisodiy raqobat kuchayib borayotgan sharoitda mahalliy ishbilarmonlar va tuzilmalar manfaatini oqilona himoya qilishni;

- bozor munosabatlari sharoitida “Saxovatli tadbirkor” va “Halol mansabdor” mezonlari asosida fuqarolarni rag’batlantirish va ularni keng jamoatchilikka tanitish orqali jamiyatni qadriyatlar atrofida birlashtirishni;
- davlat va jamiyat o’rtasida ishonchli muloqot, mansabdor shaxslarning fuqarolar oldidagi hisobdorligi va fuqarolarning davlat boshqaruvidagi huquqlaridan samarali foydalanishini ta’minlashni o’zining asosiy maqsad va vazifalari sifatida belgilaydi.

Partiya O’zbekiston Respublikasi Prezidenti Shavkat Mirziyoyev tomonidan qudratli davlat – Yangi O’zbekistonni barpo etish borasida so’nggi yetti yilda amalga oshirilgan keng ko’lamli islohotlar samarasini e’tirof etgan holda “O’zbekiston - 2030” strategiyasini amalga oshirishni har tomonlama qo’llab-quvvatlaydi.

O’zbekiston “Milliy tiklanish” demokratik partiyasi ziyorilar, jumladan, ilm-fan va ta’lim, madaniyat va san’at, axborot sohasi vakillari, olimlar, tarbiyachi va o’qituvchilar, ijodkor va san’atkorlar, sportchilar, turizm, hunarmandchilik va xalq tabobati sohasi vakillari, fuqarolarning o’zini o’zi boshqarish organlari xodimlari, kelajagimiz bunyodkorlari bo’lgan yoshlar, shuningdek, “Qadriyatlarga tayangan taraqqiyot!” shiorini qo’llab-quvvatlovchi vatanparvar va bunyodkor xalqimiz vakillarini o’z elektorati, deb hisoblaydi.

Partiya xalqimizning maqsadlari, orzu-umid va intilishlarini ro’yobga chiqarishni, ularni har tomonlama qo’llab-quvvatlash, huquq va erkinliklari, qonuniy manfaatlarini himoya qilishni hamda bu yo’lda yelkama-yelka harakat qilishni muhim vazifamiz, deb biladi.

Bizning maqsadlarimiz, intilishlarimiz va kelajagimiz ham bir.

BIZ – BIRMIZ, O’ZBEKISTONLIK MIZ!

Ta'lim va tarbiya – milliy taraqqiyot poydevori

BARKAMOL AVLOD SALOHIYATINI RO'YOBGA CHIQARISH

"Milliy tiklanish" demokratik partiyasi mamlakatimizda Inson qadrini ulug'lashga qaratilgan davlat siyosatining mazmun-mohiyatini teran anglagan holda "Tarbiya yo hayot, yo mamot..." g'oyasini hayotga tatbiq etishning asosiy maqsadi hazrati insonning o'z salohiyatini ro'yobga chiqarishi uchun sharoitlar yaratishda, deb biladi.

Inson o'z salohiyatini ro'yobga chiqarishi uchun, birinchi navbatda, ta'lim olishi, ma'naviy, madaniy salohiyatini oshirib borishi, jismoniy kamolotga erishishdek fundamental huquq va erkinliklaridan to'laqonli foydalanishi talab etiladi.

Partiya bu maqsadlarga erishishda mamlakatimizda qabul qilingan huquqiy asoslarga, o'tgan davrda to'plangan amaliy tajribaga, xalqimizning ma'naviy va moddiy kamolotiga hal qiluvchi ahamiyatga ega bo'lgan manba sifatida qaraydi hamda o'z faoliyatida uni muttasil rivojlantirib, boyitib borishni tabiiy zarurat, deb hisoblaydi.

1.1. MA'NAVIY TARBIYA VA SIFATLI TA'LIM

Tarbiya va ta'lif o'zaro mutanosib, bir-birini to'ldiruvchi jarayon, ularni ajratib bo'lmaydi. Ta'lif jarayonida tarbiya, tarbiya jarayonida esa ta'lif o'zini namoyon etib turadi. Bu ikki jarayonni o'zaro uyg'un, uzlusiz asosda tashkil etish odobli, yuksak ma'naviyatli, shu bilan birga, bilmidon, zukko, ruhan va jismonan sog'lom, axloqiy fazilatlarga, keng dunyoqarash va tafakkurga, zamonaviy kasb-hunarga ega bo'lgan vatanparvarlarni tarbiyalash va voyaga yetkazishning asosi hisoblanadi.

Yangi O'zbekiston islohotlari davrida tarbiyaning o'rni sezilarli darajada oshganini e'tirof etish barbarida, hali tizim yetarli darajada takomillashtirilmagani sababli, bu jihatni millat taraqqiyoti uchun hayot-mamot masalasi, deb biladi. Ana shu talabdan kelib chiqib, "Tarbiya" darsligini jiddiy takomillashtirish lozim, deb hisoblaydi.

Tarbiyani jiddiy ilmiy tadqiq qilish, oila, bog'cha va mакtabda singdirilishi zarur bo'lgan milliy qadriyatlar va ko'nikmalarni aniqlash hamda ularni samarali singdirish metodologiyalarini ishlab chiqish dolzarb vazifa bo'lib qolmoqda.

"Milliy tiklanish" yuqoridagi talablardan kelib chiqib, milliy tarbiya asoslari va milliy ta'lif dasturlarini rivojlantirish, uzlusiz tarbiya va ta'lif uyg'unligining huquqiy asoslarini takomilga yetkazish choralarini ko'rishni ustuvor vazifa, deb hisoblaydi.

Ushbu maqsadda maktabgacha va maktab, kasb-hunar, oliy va oliy ta'limdan keyingi ta'lifni rivojlantirishda quyidagi choralar ko'rildi:



1.1.1. MAKTABGACHA VA MAKTAB TA'LIMI

Partiya maktabgacha va maktab ta'limida:

- "Yangi avlod tarbiyachi va pedagoglarini tayyorlash Davlat dasturi"ni qabul qilish, shuningdek, pedagogikaga layoqati bor maktab bitiruvchilarini saralash va davlat buyurtmasi asosida o'qishini tashkil etish;
- uch yoshgacha bo'lgan bolalar uchun umummilliy qadriyatlarga tayangan milliy video mahsulotlar kontentini yaratish;
- tarbiyachi va o'qituvchilarni ishga qabul qilish va faoliyati jarayonida ularning oldingi ish faoliyatini o'rganish, psixologik testlardan o'tkazish tartibini joriy etish;
- maktabgacha ta'lif va boshlang'ich ta'lifning 1-sinflarida ona tili bilan birgalikda Davlat tilini ham o'rgatish, 6-sinfdan tanlov asosida ikkita xorijiy tilni o'rganishini yo'lga qo'yish;
- boshlang'ich sinf o'quvchilari bilimini baholash tizimini isloh qilish;
- umumta'lif maktablarida jismoniy tarbiya fani doirasida xalq o'yinlari bilan shug'ullanishni yo'lga qo'yish;
- "Ye-maktab" (Kundalik.com) tizimini tubdan isloh etish;
- maktablarda rahbarlarni saylash-tayinlash tizimini takomillashtirish, ko'pi bilan 5 yillik 2 muddatga rahbar lavozimida ishlashga ruxsat etish;
- maktablarga pedagoglarni tanlov asosida ishga qabul qilishning shaffof tizimini joriy etish;
- o'qituvchilar faoliyatiga baho berishning videokuzatuvga tayangan reyting ballari asosida haq to'lash tizimini joriy etish;
- 7-sinfdan boshlab o'quvchilarni qobiliyatiga qarab oliy ta'lif, hunarmandlik, tadbirkorlik yoki sport yo'naliishiga alohida tayyorlash tizimini joriy qilish;
- davlat umumta'lif maktablarida kuni uzaytirilgan guruqlar faoliyatini Davlat byudjeti hisobidan tashkil etish kabi g'oyalarni ilgari suradi.

1.1.2. KASB-HUNAR, OLIY VA OLIY TA'LIMDAN KEYINGI TA'LIM

Ushbu yo'nalishda partiya quyidagi tashabbuslarni ustuvor hisoblaydi:

- kadrlar tayyorlashda xalqaro mehnat bozori talablarini ham inobatga olish;
- oliy ta'lim muassasasini kirish oson, ammo bitirish qiyin bo'lgan maskanga aylantirish;
- ta'lim sifati yuzasidan talabalar fikrini o'rganib borish;
- milliy ilmiy kadrlar tayyorlash tizimini qayta ko'rib chiqish, byurokratik talablarni bekor qilish, Oliy attestatsiya komissiyasini isloh etish;
- o'zbek tilidagi ma'lumotlar bazasini kengaytirish, har yili xorijiy tillardagi mingta ilmiy adabiyotni davlat tiliga tarjima qilish;
- "Innovatsion faoliyat va uni tijoratlashtirish to'g'risida"gi va "Vençur uyushmalar to'g'risida"gi qonunlarni qabul qilish.



1.2. JISMONIY TARBIYA VA SPORT

Partiya aholi, birinchi navbatda, yoshlar salohiyatini ro'yobga chiqarishda jismoniy tarbiya va sportning ahamiyatini alohida e'tirof etadi.

"Sog'lom tanda - sog'lom aql!" tamoyiliga amal qilish, sohani rivojlantirish bilan bog'liq huquqiy asoslarni takomillashtirib borish tarafdori.

Jismonan va ruhan sog'lom yosh avlodni tarbiyalab voyaga yetkazish, bolalar va yoshlarning keng ko'lamda sport bilan muntazam shug'ullanishi uchun qulay shart-sharoitlar yaratish, shuningdek, maktab o'quvchilarining xalqaro musobaqalarda ishtirok etishiga ko'maklashish, milliy sport turlarini qayta tiklash partiya uchun ustuvor vazifalardir.

Partiya jismoniy tarbiya va sport yo'nalishida quyidagilarni qo'llab-quvvatlaydi:

- yoshlarning "Besh tashabbus olimpiadasi" va xalqaro musobaqalarda ishtirok etishiga ko'maklashish;
- sport bilan professional va doimiy shug'ullanuvchi yoshlarni ko'paytirish;
- seleksiya ishlarida shaffoflik, xolislikni ta'minlash;
- milliy sport turlari va xalq o'yinlarini tiklash;
- milliy Olimpiada sport o'yinlari o'tkazilishini yo'liga qo'yish.



Qadriyatlarga tayangan taraqqiyot

MA'NAVIY YUKSALISH VA MADANIYATNI RIVOJLANTIRISH

Partiya ma'naviy taraqqiyotni ta'minlash, madaniyat sohasini yangi bosqichga olib chiqish jamiyatda ijtimoiy-ma'naviy muhit barqarorligini ta'minlashning poydevori ekanligini e'tirof etadi.

Ma'naviy yuksalish jarayonida "Tarix – kelajak uchun mayoq!" tamoyili dasturilamal bo'lishi lozim, deb hisoblaydi.

Ushbu jarayonda davlatchiligimiz rivojining uch ming yildan ziyod tarixiy tajribasidan kelib chiqib ish ko'rish, jahon sivilizatsiyasiga beqiyos hissa qo'shgan buyuk ajdodlarimizning ilmiy, madaniy va ma'naviy merosiga tayanish partiya siyosatining asosini tashkil etadi.

Partiya ma'naviy yuksalish va madaniyat sohasida quyidagilarga e'tibor qaratadi:

2.1. MILLIY MADANIYAT VA MA'NAVIYATNI RIVOJLANTIRISH, QADRIYATLARNI SAQLASH, BOYITISH

Partiya inson salohiyatining ro'yobga chiqishida uning ma'naviy dunyosi, madaniy dunyoqarashi muhim ahamiyatga ega ekanligini ta'kidlagan holda, kitobxonlikni ommalashtirish, teatr, kino va san'atning boshqa sohalarini targ'ib qilish orqali jamiyat va har bir shaxs ma'naviyati va madaniy saviyasini oshirish choralarini ko'rib, quyidagilarni taklif etadi:

- madaniy-ma'rifiy sohada hokimlar mas'uliyatini oshirish;
- teatr san'atini rivojlantirish dasturini ishlab chiqish;
- milliy seriallar ishlab chiqarish konsepsiyasini yaratish;
- bolalar adabiyoti, musiqasi, qo'shiqlari, san'ati, kinosi, multfilmlarini yaratish, nashrlari faoliyatini rivojlantirish;
- jamoat joylari uchun odob-axloq qoidalarini ishlab chiqish;
- milliy va o'zga ramzlar, timsol (simvol)lardan foydalanish tartiblarini takomillashtirish;
- ozchilik huquqlarini hurmat qilgan holda yagona milliy o'ziga xoslikni targ'ib qilishni ta'minlovchi choralarни amalga oshirish;
- ism olish va ularning yozilishini milliy an'analarga muvofiqlashtirish;
- qadimiy asarlar va qo'lyozmalarni tadqiq etish, nashr qilishni yana-da kuchaytirish;
- qadriyatlarni toifalashtirish, tiklanishga muhtoj, barqaror saqlanishi zarur qadriyatlar ro'yxatini tuzish, ommalashtirish.



2.2. MADANIY MEROS MUHOFAZASI, UNDAN FOYDALANISH, TASHKILIY-HUQUQIY ASOSLARI

Partiya xalqimizning tarixiy, ma'naviy, madaniy, ilmiy va tabiiy merosi fuqarolar tomonidan avaylab asralishi shartligi, davlat tomonidan muhofaza etilishi zarurligini qo'llab-quvvatlaydi va bu borada huquqiy asoslarni takomillashtirib borish zarurligini ta'kidlab, quyidagilarni amalga oshirish lozim, deb hisoblaydi:

- ro'yxatga olinmagan madaniy meros obyektlarini aniqlash, davlat muhofazasiga olish, yo'qolib ketishi yoki buzilishining oldini oluvchi qonunchilik tashabbuslarini ilgari surish;
- arxeologiya yodgorliklarini ochiq osmon ostidagi muzeyga aylantirish;
- madaniy meros obyektlarini ro'yxatga olish, saqlash va foydalanish tartibini takomillashtirish;
- xorijda saqlanayotgan qadimiy qo'lyozma, kitoblar va boshqa osori atiqalarimizni asli yoki nusxasini mamlakatimizga qaytarish;
- madaniy meros obyektlari bilan tanishish va ularni ziyorat qilishdan boshqa maqsadlarda foydalanishni taqiqlashga qaratilgan qonun tashabbus qilish;
- madaniy meros obyektlarini ijara berish tizimini tartibga solish;
- madaniy, tabiiy va boshqa meros obyektlarini YUNESKO ro'yxatlariga kiritish takliflari bilan chiqish.



2.3. DAVLAT TILI MAQOMINI OSHIRISH, MAMLAKATIMIZ VA XORIJDA KENG TARG'IB ETISH

Partiya davlat tilining maqomi va nufuzini oshirishga qaratilgan davlat siyosatini qo'llab-quvvatlaydi va jamiyat hayotining barcha jabhalarida uning to'liq qo'llanilishi tarafdori. Shundan kelib chiqib, quyidagi takliflarni ilgari suradi:

- davlat tiliga doir hujjatlarni isloh qilish bo'yicha Davlat komissiyasini tashkil etish;
- qonun hujjatlari hamda idoraviy yozishmalarning davlat tilida yozilishini ta'minlash;
- tashqi reklama hamda boshqa yozuvlarning davlat tilida va yozuvida bo'lishini ta'minlash;
- rasmiy idoralar, mobil operatorlar xabarlarining davlat tilida bo'lishini ta'minlash;
- chet tillaridagi kinofilmлarni mamlakat kinoteatrлarida namoyish etishda ularni o'zbek tiliga majburiy tarjima qilishga qaratilgan huquqiy normani belgilash;
- "Davlat tili haqida"gi Qonunni yangi tahrirda qabul qilish;
- alifbo islohotlarini, xususan, lotin alifbosiga o'tishni yakuniga yetkazish;
- "Davlat tili haqida"gi qonunchilikni buzganlik uchun javobgarlikni kuchaytirish, shuningdek, davlat tilida ish yuritmagan tashkilot rahbarlariga nisbatan keskin choralar ko'rish;
- O'zbek tili va adabiyoti fanidan milliy sertifikat olish uchun belgilangan imtihon topshirish to'lovlarini bekor qilish.



Oila - qadriyatlar beshigi

OILANI MUSTAHKAMLASH, AYOLLAR VA YOSHLARGA MUNOSIB SHAROITLAR YARATISH

Biz oila deganda, ota-onas, farzandlar, bobo-buvilar va bir xonadonda istiqomat qiladigan boshqa shaxslarning o'zaro inoq-ittifoq bo'lib yashayotgan, bir-birini qo'llab-quvvatlayotgan, bir yoqadan bosh chiqarib, birgalashib, kelajakka umid bilan qarayotgan jamiyatning asosiy bo'g'inini tushunamiz. Partiya uchun oila qadriyatlar beshigi, vatan ichra vatandir.

Partiya oilaning jamiyat va davlat muhofazasida bo'lishini, nikoh O'zbekiston xalqining an'anaviy oilaviy qadriyatlariga, nikohlanuvchilarning ixtiyoriy roziliqi va teng huquqliligiga asoslanishini, davlat oilaning to'laqonli rivojlanishi uchun ijtimoiy, iqtisodiy, huquqiy va boshqa shart-sharoitlar yaratishini qo'llab-quvvatlaydi.

Partiya oilani mustahkamlash, ayollar va yoshlarga munosib sharoitlar yaratishda quyidagilarni e'tirof etadi:

3.1. OILA INSTITUTI VA OILAVIY QADRIYATLARNI MUSTAHKAMLASH

Biz uchun “Oila – muqaddas qo‘rg‘on”. Otalik, onalik va bolalikning davlat tomonidan muhofaza qilinishi, ayollar va erkaklar teng huquqli, deb e’tirof etilishi, ularga jamiyat va davlat ishlarini boshqarishda hamda barcha sohalarda teng huquq va imkoniyatlar berilishi partiyaning ustuvor maqsadlariga uyg‘undir. Shundan kelib chiqib, partiya quyidagi tashabbuslarni ilgari suradi:

- oilaviy an'analar, axloqiy qadriyatlar va huquqiy mezonlarni takomillashtirish;
- oila sha’ni va shavkati himoyachisi - erkaklarning oiladan, bola tarbiyasidan uzoqlashishining oldini olish, “Otalar kuni” - ijtimoiy-siyosiy kun sifatida bayram qilinishini ta’minlash;
- erta nikohning oldini olish, voyaga yetmagan qizlarni unashtirish yoki “og‘iz solish” bilan bog‘liq salbiy udumlarning oldini olish;
- qadriyatlarimizga zid bo‘lgan oila tushunchasi, gender o‘lchovlariga qarshi kurashning huquqiy asoslarini kuchaytirish;
- ota-onaning farzand tarbiyasidagi rolini hamda bolalar xavfsizligini ta’minlashga mas’ulligini oshirish.



3.2. XOTIN – QIZLARNI QO’LLAB-QUVVATLASH

“Ma’rifatli ona – qudratli millat” tamoyiliga asosan xotin-qizlarga oid partiya siyosatini yangi bosqichga olib chiqish, ayollar kelajagimiz bunyodkorlari bo‘lgan bolalarni dunyoga keltiruvchilar va ularning tarbiyachilari bo‘lishi barobarida davlat va jamiyat boshqaruvida o‘zlarining boy bilimi, malakasi va kuchini safarbar etishga qodir ulkan salohiyatga ega jamiyatimizning faol a’zolari ekanligini e’tirof etadi.

Partiya ayollarning ijtimoiy-siyosiy faolligi, davlat boshqaruvidagi o‘rni va ta’sirini oshirish masalasi davlat dasturlarida ustuvor yo‘nalishlar sifatida e’tiborga olinishi, bu boradagi ulug‘vor maqsad va rejalar, umumbashariy qadriyat sanalgan ayollar va erkaklar tengligi g‘oyasi huquqiy mustahkamlangani bilan birga, ayolning oiladagi o‘rnini mustahkamlash tarafdori.

Partiya ayollarning ijtimoiy-siyosiy faolligini yana-da oshirish, islohotlar va o‘zgarishlar jarayonlarida bevosita ishtirokini ta’minlash, ulardagи daxldorlik tuyg‘usini kuchaytirish uchun quyidagi vazifalarni amalga oshirish lozim, deb hisoblaydi:

- mehnat jamoalarida xotin-qizlar va erkaklar tengligini ta’minlashga oid ta’limni rivojlantirish;
- “xotin-qizlar.uz” platformasi faoliyatini jonlantirish, uning negizida “Band bo‘limgan ayollar va qizlar” modulini yaratish;
- moslashuvchan ish vaqtini joriy qilish, ayollarning oilada ko‘proq bo‘lishlari uchun sharoitlar yaratish;
- talaba onalarning farzandlari uchun oliy ta’lim muassasalari huzurida maxsus bolalar xonalari yoki bog‘chalar tashkil etish;
- farzand ko‘rgan ayollarga bola uch yoshga to‘lguniga qadar haq to‘lanadigan “Onalik ta’tili” berish tizimini joriy qilish.



3.3. PARTIYANING YOSHLARGA OID SIYOSATI

Partiya oila, bog'cha va matabni yoshlari siyosatining poydevori, deb hisoblaydi. "Yosh millatparvarlar" shiori ostida yoshlarning birlashishi, milliy va umuminsoniy qadriyatlarga sodiqlik, vatanparvarlik ruhida tarbiya topishi, ular qalbida shu yurt farzandi ekani hamda xalqimizning tarixi, boy madaniy merosidan faxrlanish tuyg'usi shakllanishi partiyaning bosh g'oyalaridan hisoblanadi.

Partiya yoshlari salohiyatini ro'yobga chiqarishda ularning intellektual, ijodiy, jismoniy va axloqiy jihatdan shakllanishi va rivojlanishini ta'minlashga qaratilgan ta'lif olishi, sog'lig'ini mustahkamlashi, sport bilan shug'ullanishi va boshqa shaxsiy, iqtisodiy, ijtimoiy, madaniy, ekologik huquqlari himoya qilinishi bilan bog'liq huquqiy asoslarning muntazam takomillashtirib borilishi tarafdori.

Partiya o'z faoliyatida yoshlarga alohida e'tibor qaratadi, o'z tashkiliy tuzilmasining yuqorida qayigacha bo'lgan bo'g'inlarida "Yoshlarni qanoti" harakatini yo'lga qo'yadi. "Yoshlarni qanoti" Oliy Majlis Qonunchilik palatasi huzuridagi "Yoshlarni parlamenti" orqali yoshlarning siyosat maydonida o'z iqtidorlarini namoyon etishlariga shart-sharoitlar yaratadi. Yoshlarning davlat va jamiyat boshqaruvida siyosiy xodim sifatida quyidan yuqori pog'onalar sari o'sib borishida ularning partiya hayotidagi faoliyati boshlang'ich qadamlardan ekanligini e'tirof etgan holda, ushbu g'oyalarni ustuvor biladi:

- yoshlarga oila va nikohning muqaddasligini anglatish;
- xorijda yashayotgan, ishlayotgan, tahsil olayotgan yoshlarmiz bilan uzviy aloqalar o'rnatish, ularning haq-huquq va qonuniy manfaatlarini himoya qilishga oid qonunchilikni takomillashtirish;
- ijtimoiy tarmoqlarning zararli ta'siri haqida ota-onalar va o'quvchilar uchun qo'llanmalar yaratish;
- yoshlarni terrorizm, ekstremizm, fundamentalizmning yot g'oyalaridan himoya qilishga doir davlat dasturlarini takomillashtirish;
- yoshlarning ruhiy salomatligiga e'tibor qaratish, ish beruvchi va ta'lif muassasalarida yoshlar ruhiyati bilan bog'liq muammolarning oldini olish choralarini ko'rish.

3.4. SOG'LOM VA FAOL HAYOTNI TA'MINLASH, MILLAT GENOFONDINI SAQLASH

Partiya aholining sog'lom va faol hayot kechirishi malakali tibbiy xizmatdan foydalanish va ijtimoiy himoyalanish huquqlaridan kelib chiqadi, deb hisoblaydi. Partiya davlat tomonidan sog'liqni saqlash tizimining rivojlantirib borilishi, tibbiy sug'urtaning turli shakllari joriy etilishi, aholining sanitariya-epidemologik osoyishtaligini ta'minlashga qaratilgan choralar ko'rib borilishini inson salohiyatini ro'yobga chiqarishning asoslaridan, deb hisoblaydi.

Partiya yurtimizda millat genofondini saqlash umum davlat miqyosidagi vazifaga aylanganligini qo'llab-quvvatlaydi. Millat genofondi uning betakrorligi, o'ziga xosligini anglatishi barobarida, bu betakrorlik, o'ziga xoslik ushbu millat tarixiy rivojlanishning muayyan davrlari bilan bog'langanligini namoyon etadi.

Partiya muktabgacha ta'lim tashkilotlari va umumta'lim maktablarida bolalarning sifatli, xavfsiz ovqatlanishini ta'minlash – millat genofondini saqlashning asosi ekanligini ta'kidlaydi va quyidagi vazifalarning huquqiy asoslarini takomillashtirishni taklif etadi:

- aholining tibbiy madaniyatini oshirishni jadallashtirish;
- "Oilaviy shifokor" tizimini kuchaytirish;
- shifobaxsh dorivor giyohlarni sanoat asosida yetishtirish;
- nikohdan ajralishlar oqibatida uy-joysiz qolgan ayollar va ularning farzandlari manfaatlarini himoya qilish;
- "O'zbekistonda sog'lom ovqatlanish milliy Konsepsiysi"ni qabul qilish, tarkibida geni o'zgartirilgan organizm (GMO) bo'lgan mahsulotlarni ommalashtirish;
- muktabgacha va boshlang'ich ta'limda kompyuter savodxonligiga oid mashg'ulotlar o'tkazilmasligi taklifi bilan chiqish;
- elektron sigaretalar, snyuslar va tarkibida nikotin aralashmasi bo'lgan boshqa turdag'i vositalarni taqiqlashga qarshi qaratilgan qonun qabul qilish.





Biz birmiz – O'zbekistonlikmiz!

MILLIY IQTISODIYOT VA TURIZMNI RIVOJLANTIRISH

Partiya milliy iqtisodiyotga aholi farovonligini ta'minlashga yo'naltirilgan, turli shakllardagi mulk negizida tashkil topgan, barqaror rivojlanib borishi lozim bo'lgan soha sifatida qaraydi va yaqin kelajakda O'zbekistonni daromadi o'rtachadan yuqori bo'lgan davlatlar qatoridan o'rinn olishiga erishish yo'lidagi sa'y-harakatlarni qo'llab-quvvatlaydi.

Ilg'or texnologiyalarga asoslangan sanoatni rivojlantirishda mahalliy xom ashyordan samarali foydalanish, "yashil iqtisodiyotga o'tish, aholini energiya resurslari bilan ta'minlash, milliy transport tizimi salohiyatini oshirish, turizmni rivojlantirish uchun keng sharoitlar yaratish masalalari partyaning ustuvor yo'nalishlaridan hisoblanadi.

Partiya mamlakatda o'rta qatlamning ko'payishi tarafdori bo'lib, aholining o'rta qatlamida qanoat va shukronalik, ilg'or tadbirkor va homiylarda mas'uliyat, ma'naviy qadriyatlarni e'tirof etish, oliyjanoblik kabi xislatlarni oshirishni targ'ib etadi.

Aholining real daromadlari va xarid qobiliyatini oshirishni, daromadlari bo'yicha tabaqalanish darajasini pasaytirishni qo'llab-quvvatlaydi.

Daromad keltiradigan yoki boshqa naf beradigan xo'jalik faoliyati – biznesning har qanday turini rivojlantirish, kredit ajratish tizimini soddalashtirib borish, kredit foizlarini kamaytirish, to'lov muddatlarini uzaytirish, sharoitlar yaratishga ko'maklashish, kapital sarflab tovar va xizmatlar yaratish bilan foyda topishga qaratilgan iqtisodiy faoliyat – tadbirkorlik faoliyatiga noqonuniy aralashuvga qat'iy chek qo'yishni ta'minlash borasida amaliy takliflarni ilgari suradi.

Milliy iqtisodiyotning eksport salohiyatini oshirishni, milliy mahsulotlarimiz va brendlарimizning xorijga, salohiyatli xarid bozorlariga barqaror kirib borishini hayotiy zarurat, deb biladi. Tovarlar va xizmatlar eksporti va importigagina bog'lanib qolmaslik, balki turli yo'nalishlarda hamkorlik munosabatlarni kuchaytirish siyosatini ilgari suradi, milliy iqtisodiyot va turizmni rivojlantirishda quyidagilarga e'tibor qaratadi:



4.1. MILLIY IQTISODIYOTNI RIVOJLANTIRISH

Milliy iqtisodiyot barqarorligini ta'minlashga qaratilgan partiyaning ustuvor vazifalari mahalliy ishlab chiqaruvchilarni har jihatdan qo'llab-quvvatlash, "O'zbekistonda ishlab chiqarilgan" tamg'asi ostidagi mahsulotlarni keng targ'ib qilish, xalqimizda milliy mahsulotlardan faxrlanish va foydalanish ko'nikmalarini shakllantirishdan iborat. Shu maqsadda quyidagilar taklif etiladi:

- ishlab chiqarishga yo'naltirilmagan xarajatlarning asossiz o'sishini oldini olish;
- bozorlarda eng muhim iste'mol mahsulotlari narxlari barqarorligini ta'minlash maqsadida fermerlar, jumladan, mahalliy oziq-ovqat ishlab chiqaruvchilarni qo'llab-quvvatlash dasturlarini joriy qilish;
- noshirlik – kitob ishlab chiqarish va uning sotilishida qo'llaniladigan qo'shimcha qiymat solig'i bo'yicha imtiyozlar joriy etish;
- mahalliy ishlab chiqaruvchilarga o'z mahsulotlarini tashqi bozorlarga tez, o'z vaqtida va arzon narxlarda olib chiqishi uchun bojxona tartib-taomillarida qulayliklar yaratish, masofaviy (onlayn) bojxona xizmatlari turlarini ko'paytirish;
- soliqqa tortish tizimini soddalashtirish;
- qazib olinadigan yoqilg'ilarga bosqichma-bosqich bog'liqlikni kamaytirish, yashil energiyaga o'tishni rag'batlantirish;
- milliy valyutaning qadrini oshirish, milliy sug'urta tizimini keng jalg qilish.

4.2. MILLIY TURIZMNI RIVOJLANTIRISH

Turizm jadal rivojlanayotgan iqtisodiyot drayverlaridan hisoblanadi. Shuningdek, turizmga bugun jahon xalqlari o'rtasida madaniy almashuvlarni kuchaytiradigan, bag'rikenglik tamoyillarini mustahkamlaydigan qudratli vosita sifatida qaralmoqda.

Biz uchun turizm xalqimizning uzoq asrlar davomida yaratilgan va avaylab asrab kelinayotgan tarixiy-madaniy merosi bilan chet elliklarni tanishtirish orqali mamlakatimiz, xalqimizning tarixiy taraqqiyoti, madaniyati, san'ati, qadriyatlari haqida ma'lumotlar berish vositasidir.

Partiya xavfsiz turizmni rivojlanirish, startap loyihalarini amalga oshirishda quyidagilarni bugunning dolzarb vazifalaridan, deb hisoblaydi:

- sohani umummilliylar harakatga aylantirish, "ochiq eshiklar" siyosatini yuritish, vizasiz kirish tizimini kengaytirish;
- "Turizm assambleyasi" kollegial-konsultativ Kengashi faoliyatini tashkil etish;
- turizmni kompleks rivojlanirish bo'yicha 2030-yilgacha bo'lgan strategiyani ishlab chiqish;
- milliy turistik mahsulotlar reklamasi – targeting strategiyasidan, targ'ibotda ijtimoiy media imkoniyatlardan foydalanish.





*Inson o'zgarsa –
jamiyat o'zgaradi*

MILLIY VA UMUMINSONIY QADRIYATLARGA TAYANGAN JAMIYAT BARPO ETISH

Partiya O'zbekistonni boshqaruvning respublika shakliga ega bo'lgan suveren, demokratik, huquqiy, dunyoviy davlat sifatida boy ma'naviy-ma'rifiy meros zamirida qurilgan, iqtisodiyoti barqaror rivojlanayotgan, fuqarolik jamiyati taraqqiy etayotgan, inson huquqlari, erkinliklari va qonuniy manfaatlari kafolatlangan, dunyo hamjamiyatida yuksak nufuzga ega bo'lgan adolatli va zamonaviy mamlakat sifatida ko'radi.

Shu bilan birga, mamlakatimiz tarixiy taraqqiyoti davlat boshqaruvidan ko'proq jamoatchilik boshqaruviga bosqichma-bosqich o'tib borishini tadrijiy voqelik sifatida qabul qiladi.

Xalq vakillarining islohotlarda faol ishtirok etishi, parlament, deputatlik va jamoatchilik nazoratini yo'lga qo'yishi, aholi bilan hamnafas faoliyat yuritishi dolzarb bo'lib qolayotganini ta'kidlaydi.



5.1. DAVLAT VA JAMOAT BOSHQARUVINI TAKOMILLASHTIRISH

Partiya davlat boshqaruvi organlari faoliyatini inson manfaatlarini ta'minlashga qaratish, fuqaro va davlat o'rtaсидаги munosabatlarda byurokratik to'siqlarga barham berish maqsadida davlat xizmatlarini raqamlashtirish orgali aholiga xizmat ko'rsatish tizimini takomillashtirish, xalq bilan muloqotni yana-da kengaytirish borasidagi islohotlarni ustuvor vazifalar sifatida qo'llab-quvvatlaydi.

Oliy Majlis palatalari va siyosiy partiyalarning jamiyatdagi rolini yana-da oshirib borish, norma ijodkorligi faoliyatining mamlakatimizda amalga oshirilayotgan islohotlarga uyg'unligiga erishish, davlat huquqiy siyosatining institutsional asoslarini rivojlantirishda faol ishtirok etadi.

Mahalliy davlat hokimiyyati vakillik organlari vakolatlarini kengaytirish, bunda mahalliy ijro hokimiyyati organlarining aholi manfaatlariga xizmat qilishini ta'minlash, mahallani jamoatchilik hamda davlat organlari o'rtaсидаги "ko'prik"ka aylantirish masalalari dolzarb ekanligini ta'kidlaydi.

Davlat boshqaruvida meritokratiya, halollik va professionallik tamoyillariga asoslangan davlat fuqarolik xizmati tashkil etilishini islohotlarning mantiqiy davomi sifatida ko'radi. Shuningdek, erkin fuqarolik jamiyatini rivojlantirish hayotiy zarurat ekanligini e'tirof etadi.

Davlat organlari va ularning mansabdor shaxslari faoliyatida sog'lom ma'naviy muhit va mafkuraviy immunitetni barqarorlashtirish, qonuniylikni ta'minlash, xodimlarning huquqiy ongi va madaniyatini oshirish partyaning kun tartibidagi asosiy vazifalardan hisoblanadi.

5.1.1. DAVLAT HOKIMIYATI VA BOSHQARUVI ORGANLARI SAMARADORLIGINI OSHIRISH

Partiya davlat hokimiyati va ijro etuvchi organlar samaradorligini oshirishga qaratilgan quyidagi g'oyalarni qo'llab-quvvatlaydi:

- xodimlarning idoralararo va ichki rotatsiyasini keng joriy etishning huquqiy asoslarini yaratish;
- rahbarlarning jamiyat va xalq oldidagi hisobdorligini oshirish;
- xorijdagi fuqarolarimizga Vatanga qaytish guvohnomasi va xorijga chiqish pasportlarini rasmiylashtirishni yengillashtirish;
- “Davlat xizmatchisining halollik tekshiruvi” institutini joriy etish, davlat xizmatchilari sonini muntazam kamaytirib borish tarafdori.

5.1.2. OLIY MAJLIS PALATALARI VA SIYOSIY PARTIYALAR

Oliy Majlis palatalari va siyosiy partiyalar faoliyatini takomillashtirishda quyidagi vazifalar muhim ahamiyatga ega:

- Oliy Majlisning hukumat faoliyati ustidan nazoratni amalga oshirishga oid vakolatlarini bosqichma-bosqich kengaytirish;
- davlat va hududiy dasturlar loyihibalarini barcha darajadagi deputatlarga ko'rib chiqish uchun majburiy taqdim etish;
- qonunlarning havolaki normalari amalga oshirilishi ustidan ta'sirchan parlament nazoratini o'rnatish;
- xalq vakillari tomonidan ochiq shaklda davlat hokimiyati va ijroiya organlari



5.1.3. MAHALLIY DAVLAT HOKIMIYATI, O'ZINI O'ZI BOSHQARISH ORGANLARI FAOLIYATINI TAKOMILLASHTIRISH, FUQAROLIK JAMIYATINI RIVOJLANTIRISH

Partiya mahalliy davlat hokimiyati, o'zini o'zi boshqarish organlari faoliyatini takomillashtirish, fuqarolik jamiyatini rivojlantirish bo'yicha quyidagi takliflarni qo'llab-quvvatlaydi:

- mahalliy Kengash deputatlari partiya guruhlari to'g'risida nizom qabul qilish;
- "Eshituvchi davlat" konsepsiyasи doirasida mahallaning davlat va xalq o'rtaсидаги ко'пrik vazifasini keng yo'lga qo'yish;
- mahalla raisi va a'zolariga haq to'lash tizimini qayta ko'rib chiqish, ularning mustaqilligini ta'minlash;
- to'y va oilaviy, "Haj" va "Umra" ziyoratlari bilan bog'liq marosimlarni tartibga solish;
- mahalla oqsoqoli, uning yordamchilari vakolat muddatlarini besh yilga uzaytirish, ko'pi bilan ikki marta saylanish tartibini joriy etish;
- fuqarolik jamiyati institutlarining fuqarolar, yuridik shaxslarning huquqlari va qonuniy manfaatlarini himoya qilish borasidagi qonunchilik talablarini kuchaytirish.

5.2. QONUN USTUVORLIGINI TA'MINLASH

Bugun mamlakatimizda, birinchi navbatda, mehnat qilayotgan insonlar, ayniqsa, rahbar-xodimlar Konstitutsiya va qonunlarda belgilab qo'yilgan huquq va majburiyatlarini puxta bilishi, ularning ijrosini to'g'ri tashkil etishi, bu qoidalarga amal qilishi dolzarb vazifaga aylanganligi partiya tomonidan hayotimiz, kelajagimiz istiqboli uchun zarurat sifatida qabul qilinadi.

Partiya qonuniylikni mustahkamlashda fuqarolarning huquqiy ongi va huquqiy madaniyatini yuksaltirish g'oyat muhim ahamiyatga ega ekanligini ta'kidlaydi. Bu har bir shaxsda, jumladan, davlat xizmatchilarida qonunlarga, inson huquq va erkinliklariga nisbatan hurmat bilan munosabatda bo'lish hamda huquqbazarliklarga nisbatan murosasizlik muhitini shakllantirishdagi o'rnini e'tirof etadi.

Jamiyatni demokratlashtirish, mamlakatni isloh qilish jarayonida qonunlarning xalqchil, hayotiy bo'lishini ta'minlashga xizmat qiladigan qonun ijodkorligi faoliyatini yana-da takomillashtirish masalalariga alohida e'tibor qaratilishini qo'llab-quvvatlaydi.

Partiya qonun ustuvorligini ta'minlashda quyidagi masalalarni dolzarb, deb hisoblaydi:

- yuridik xizmatlarni individuallashtirish, shaxsiy va oilaviy yuridik xizmat turlarini joriy qilish;
- nodavlat notijorat tashkilotlarini korrupsiyaga qarshi kurashish jarayonlariga jalb etishning huquqiy asoslarini takomillashtirish;
- "Kibermadaniyatni yuksaltirish" dasturini ishlab chiqish;
- "Tashqi yozuvlar to'g'risida"gi Qonunni qabul qilish;
- "Hunarmandchilik faoliyati to'g'risida"gi Qonunni qabul qilish;
- ta'lim muhiti xavfsizligini ta'minlash, javobgarlik choralarini kuchaytirish;
- Madaniy meros kodeksi loyihasini ishlab chiqish;
- "Xalq tabobati to'g'risida"gi Qonunni qabul qilish;
- oilaviy ajrimlar uchun davlat bojini oshirish;
- tibbiy yordam ko'rsatmaslik, noto'g'ri tashxis qo'yish va davolash bo'yicha noto'g'ri ma'lumotnoma berganlik uchun javobgarlik belgilash;
- dori vositalari reklamasini cheklash, retseptsiz beriladigan dorilarni qisqartirish, antibiotiklarni qat'iy retsept asosida berilishini ta'minlash;
- "Renovatsiya to'g'risida"gi Qonunni qabul qilish;
- huquqni muhofaza qiluvchi organlar faoliyati ustidan jamoatchilik nazorati mexanizmlari samaradorligini oshirish;
- masofaviy ishlashning huquqiy asoslarini takomillashtirish.

5.3. SUD-HUQUQ TIZIMINI ISLOH QILISH


Davlat va jamiyat hayotining barcha bo‘g‘inlarida Konstitutsiya va qonunlar ustuvorligini ta‘minlash, inson huquqlari, erkinliklari va qonuniy manfaatlarini ishonchli himoya qilish, davlat organlari va mansabdor shaxslarning faoliyati ustidan samarali nazorat o‘rnatish sud-huquq sohasidagi dolzarb vazifalardan bo‘lib qolmoqda.

Shu bilan birga, sud hokimiyatining mustaqilligiga erishish, uning faoliyatida ochiqlikni ta‘minlash orqali odil sudlovni ta‘minlashga bo‘lgan huquqiy asoslarni kuchaytirib borish talab etiladi.

Bu esa o‘z navbatida huquqi muhofaza qiluvchi organlar faoliyatini inson manfaati, qadr-qimmati va huquqlarini himoya qilish yo‘nalishida takomillashtirib borishni, shu maqsadda malakali huquqiy yordam ko‘rsatishga ixtisoslashtirilgan advokatura faoliyatini yana-da kuchaytirishni talab etadi va partiya bu borada quydagilarni amalga oshirish lozim, deb hisoblaydi:

- shaxslar va tadbirkorlarning xususiy mulkka oid huquqlarini amalga oshirish kafolatlarini kuchaytirish;
- advokat va prokurorning teng huquqlilagini ta‘minlash;
- oilaviy nizolarni ko‘rib chiqish bo‘yicha sudyalarini ixtisoslashtirish ishlarini davom ettirish;
- yarashtiruv institutining qo‘llanish doirasini tomonlar roziliği bilan kengaytirib borish;
- oila, meros, uy-joy da‘vosi va turmushdagi boshqa nizolarni hal etishda qadriyatlarimizdan kelib chiqqan holda murosa yo‘lini izlash, ishlarni sudgacha olib bormaslik.





*O‘zligimizni asrash uchun
birlashaylik!*

XAVFSIZLIK VA AHOI MUHOFAZASINI KUCHAYTIRISH

Partiya O‘zbekiston Respublikasining aholi xavfsizligi va muhofazasiga qaratilgan siyosatini qo‘llab-quvvatlaydi. Jumladan, axborot xavfsizligini ta’minlash, milliy armiyani kuchaytirish, aholi hayotiga xavf soluvchi vaziyatlar, iqlim o‘zgarishlari ta’sirining oldini olish hamda millatlararo totuvlik va bag‘rikenglikni ta’minlashni ustuvor vazifa, deb biladi:

6.1. XAVFSIZ MILLIY AXBOROT MAKONINI RIVOJLANTIRISH

Partiya xavfsiz milliy axborot makonini rivojlantirish masalasiga “XXI asr - axborot asri” ekanligidan kelib chiqib yondashadi. Bu borada shaxs, jamiyat va davlat taraqqiyotida axborot resurslari va texnologiyalari rolining ortishi, mamlakatimizda fuqarolik jamiyatini axborotlashtirilgan jamiyat sifatida qurish borasida amalga oshirilayotgan ishlarni qo’llab-quvvatlaydi.

Axborot xavfsizligini ta’minlash mamlakat istiqboli, xalqimizning tinch-totuv hayot kechirishi asosi ekanligini ta’kidlagan holda, partiya globallashuv sharoitlarida axborotga bo’lgan ehtiyojni qondirish masalasida aholining axborot izlash, olish va tarqatishga bo’lgan huquqlari kafolatlarini yana-da takomillashtirish, axborotni tahlil etib, qabul qilish madaniyatini o’stirish – davr talabi ekanligini e’tirof etadi va quyidagilarni e’tiborga olishni taklif etadi:

- ommaviy axborot vositalarini “milliy kontent”ga asoslangan ko’rsatuvtalar ulushini oshirish nuqtai nazaridan isloh qilish;
- “Yangi O’zbekistonning axborot siyosati” konsepsiysi va uning asosida “Axborot xavfsizligi” doktrinasini ishlab chiqish;
- axborot tarqatishda bozor munosabatlarining milliy qadriyat va ma’naviy mezonlardan ustun bo’lmasligiga erishish.





6.2. MILLIY ARMIYAMIZ MUDOFAA SALOHIYATINI OSHIRISH

Partiya mamlakatimiz Mudofaa doktrinasi mudofaa xarakteriga ega ekanligini qo'llab-quvvatlaydi, unda mustahkamlab qo'yilgan asosiy tezislar: hech bir davlatni o'zining dushmani deb hisoblamaslik, boshqalar bilan munosabatlarda milliy manfaatlarning ustuvorligi va xalqaro huquqning umume'tirof etilgan prinsiplari va normalariga amal qilish, boshqa davlatlarning ichki ishlariga aralashmaslik, nizoli masalalarni tinch vositalar va muzokaralar yo'li bilan hal etish, chegaralarning buzilmasligi va o'zgarmasligini tan olish tamoyillari xalqimizning tinchligi, osoyishtaligini ta'minlashning asosi, deb biladi.

Partiya dunyoda kechayotgan jarayonlarga befarq emasligini ta'kidlab, o'z yurtimizni o'zimiz himoya qilish imkoniyatiga ega bo'lishimiz kerakligiga alohida urg'u bergen holda quyidagi g'oyalarni ilgari suradi:

- davlat fuqarolik xizmatiga ishga qabul qilishda harbiy xizmat o'taganlik holatini e'tiborga olish;
- harbiy psixologlar institutini yanada takomillashtirish;
- armiya va jamoat tashkilotlari o'rtasida hamkorlik tizimini yaratish, "Xalq va armiya – bir tanu bir jon!" tamoyili mohiyatini keng jamoatchilikka yetkazish;
- ayollarni o'z xohishiga ko'ra, harbiy xizmatga, huquqni muhofaza qiluvchi organlarga keng jalb etish;
- harbiy rutbalarni milliy davlatchiligidan tarixiga xos bo'lgan tartiblarga muvofiqlashtirish bo'yicha qonun loyihasini tashabbus qilish;
- harbiy xizmatchilar ongiga xalqimizning e兹gulik, rahmdillik, insonparvarlik va mehr-oqibat kabi an'analarni singdirish.

6.3. AHOI HAYOTIGA XAVF SOLUVCHI VAZIYATLAR, IQLIM O'ZGARISHLARIGA QARSHI CHORALAR

Partiya aholi hayotiga xavf solayotgan ofatlarning oldini olish, global iqlim o'zgarishlariga qarshi turish, favqulodda vaziyatlarda aholi muhofazasi masalalariga e'tiborni kuchaytirib borish tarafdori sifatida bunday vaziyatlarning oldini olishga qaratilgan huquqiy jarayonni takomillashtirishda faol ishtirok etadi.

Ekologik vaziyatni barqarorlashtirishda "Yashil maydon" umummilliy loyihasi, "Yashil bog'lar", "Yashil jamoat parklari", "Yashil qalqon" va "Yashil qoplama" himoya o'rmonzorlarini tashkil etish, o'rmon maydonlarini ko'paytirish tashabbuslarini hamda Milliy tabiiy meros obyektlari ro'yxatini kengaytirib borishni maʼqullaydi.

Boshqa tabiiy resurslar qatorida suv resurslarining davlat muhofazasiga olinganligini qo'llab-quvvatlash barobarida sohaning huquqiy asoslari muntazam takomillashtirib borilishiga hayot zarurati sifatida qaraydi. Bu borada aholining suvdan oqilona foydalanish madaniyatini shakllantirishni dolzarb vazifa, deb biladi.

Shunga ko'ra, partiya quyidagilarni amalga oshirishni muhim, deb hisoblaydi:

- "Aholini va hududlarni tabiiy hamda texnogen xususiyatli favqulodda vaziyatlardan muhofaza qilish to'g'risida"gi O'zbekiston Respublikasi Qonunining yangi tahririni ishlab chiqish;
- moddiy madaniy meros obyektlarining tabiiy va texnogen ta'sirlardan shikastlanishini oldini olish;
- mavsumiy anomal iqlim holatlariga tayyorgarlik ko'rish va ularning xavfini kamaytirish bo'yicha dasturlar joriy etish;
- "Suv iste'moli madaniyatini yuksaltirish" dasturini qabul qilish;
- ota-bobolarimiz udumi – yoshlar turmush qurganda, farzand tug'ilganda yaxshi niyatlar bilan daraxt ekish odatini ommalashtirish.

6.4. MILLATLARARO TOTUVLIK VA BAG'RIKENGLIKNI TA'MINLASH

Partiya “Barcha milliy qadriyatlar qadrlidir” tamoyili asosida mamlakatimizda millatlararo totuvlik va bag'rikenglik tamoyillarini qaror toptirish, millatlarning har tomonlama ravnaq topishi, ularning milliy qadriyatlarini saqlab qolish, urf-odatlari va an'analarining rivojlanishiga imkoniyat hamda shart-sharoitlar yaratib berishga qaratilgan davlat siyosatini qo'llab-quvvatlaydi.

Partiyaning millatlararo munosabatlar borasidagi siyosati bag'rikenglik va insonparvarlikni keng targ'ib etishni, millatlararo hamjihatlikni, jamiyatda fuqarolar totuvligini mustahkamlashni, barcha fuqarolarga millati, e'tiqodidan qat'iy nazar, teng huquq va imkoniyatlar yaratishni nazarda tutadi. Bu borada quyidagilarni amalga oshirish muhim hisoblanadi:

- "Biz – birmiz, O'zbekistonlikmiz!" g'oyasini qo'llab-quvvatlash;
- fuqarolarning tinch va farovon hayoti hamda birdamligini mustahkamlash, ularni do'stlik, ahillik, vatanparvarlik, mamlakat taqdiri uchun mas'ullik va daxldorlik tuyg'usi atrofida jipslashtirish;
- inklyuziv siyosatga asoslangan holda milliy birlikni mustahkamlash bo'yicha kompleks integratsiya dasturlarini ishlab chiqish;
- hududlarni muvozanatli rivojlantirib borish orqali mintaqaviy rivojlanish tafovutlarini kamaytirish va aholining milliy birdamlik va hamjihatlik tuyg'usini kuchaytirish;
- turli millat va elatlar o'rtasidagi hamkorlikni rag'batlantiradigan, ijtimoiy birlik va yagona milliy o'ziga xoslikni ta'minlaydigan jamoat loyihamalarini qo'llab-quvvatlash;
- "Milliy tiklanish" kitob javoni" loyihasi doirasida ta'lim xorijiy tillarda olib boriladigan maktablardagi kutubxonalar fondini davlat tilidagi badiiy adabiyotlar hamda millatlararo munosabatlarni mustahkamlashga bag'ishlangan ilmiy-ommabop risolalar bilan boyitish;
- bu maktablar o'quvchilari o'rtasida davlat tilida "Kim ko'p kitob o'qiydi?" tanlovin o'tkazish.



*An'analar bilan yorqin
kelajak sari!*

XALQARO MAYDONDA MILLIY MANFAATLAR USTUVORLIGI

Partiya O'zbekiston Respublikasi dunyo hamjamiyati bilan munosabatlarda xalqaro huquqning umume'tirof etilgan prinsip va normalariga tayanib ish ko'rishi asnosida do'stona munosabatlarga e'tibor qaratishni, o'zaro hamkorlik, qo'llab-quvvatlash, tinchlik va totuvlikni ta'minlash yo'nalishida bu jihatlarni yana-da mustahkamlash va rivojlantirishga intilishini, bunda birinchi navbatda, qo'shni davlatlar bilan bo'ladigan munosabatlarga ustuvorlik berilishini olqishlaydi.

Partiya bosh Qomusimizda O'zbekiston Respublikasi davlatlar va xalqaro tashkilotlar bilan ikki va ko'p tomonlama munosabatlarni har taraflama rivojlantirishga qaratilgan tinchliksevar tashqi siyosatni amalga oshirishini e'tirof etuvchi normaning mustahkamlanishi xalqaro maydonda mamlakatimizning imijiga ijobiy ta'sir etishini e'tirof etadi va bu siyosatni davom ettirishni ma'qullaydi.

7.1. MILLIY TASHQI SIYOSAT

Yangi O'zbekistonning tashqi siyosati xalq va davlat manfaatlaridan kelib chiqishi hamda ochiq, pragmatik va faol bo'lishi zarurligini zamonning o'zi talab etmoqda. Bu siyosat ko'p qirrali bo'lib, unda strategik sheriklik munosabatlari darajasidagi milliy manfaatlar, jumladan, madaniy va gumanitar yo'naliishlar ham qamrab olinishi partiya tomonidan e'tirof etiladi.

Partiya Markaziy Osiyo mintaqasida amaliy hamkorlikning muntazam yaxshilanib borishi tarafdori, turkiy dunyo bilan aloqalarni yanada kuchaytirishni yoqlaydi, an'anaviy sheriklar bilan manfaatli aloqalarni davom ettirish, ularning safini muttasil oshirib borishni qo'llab-quvvatlaydi hamda quyidagilarni taklif etadi:

- tashqi siyosatda milliy manfaatlarni qat'iy himoya qilish, ikki tomonlama hamkorlik aloqalarini yanada kuchaytirish;
- tashqi savdo diversifikatsiyasini amalga oshirish, jumladan, savdo hamkorlarini kengaytirish, yangi bozorlarni izlash orqali O'zbekistonning ayrim davlat yoki davlatlar guruhiga bog'liqligini kamaytirish, tashqi siyosatda mamlakatimizning yanada mustahkam va barqaror pozitsiyasini ta'minlash;
- turkiy tilli davlatlar bilan hamkorlik aloqalarini o'rganishga qaratilgan tadqiqotlarni amalga oshirish;
- Toshkent Turkiy xalqlar tarixini o'rganish Xalqaro tadqiqot markazini tashkil qilish;
- Turkiy dunyo va Markaziy Osiyo telekanallarini yaratish orqali qardosh xalqlar o'rtaida birdamlik madaniyatini targ'ib etish.



7.2. XORIJDA VATANDOSHLAR BILAN ALOQALAR

Partiya xorijda istiqomat qilayotgan vatandoshlar bilan hamkorlik sohasidagi davlat siyosatini qo'llab-quvvatlaydi.

Xorijda istiqomat qilayotgan vatandoshlarimiz bilan uzviy muloqot va hamkorlikni rivojlantirishga, ularning mamlakatimizda olib borilayotgan islohotlardagi ishtirokiga zarurat mavjudligini, shuningdek, qadriyatlarimizni, tarixiy-madaniy merosimizni mamlakatimizdan tashqarida keng yoyishda ularning amaliy xizmati beqiyosligini e'tirof etadi.

Bu ularga o'zlarining tarixiy Vatani – O'zbekistonning obro'sini oshirishga hissa qo'shish, vatandoshlik burchini bajarish uchun beriladigan imkoniyatdir.

Shu bilan birga, tashqi mehnat migratsiyasiga davlat e'tiborini yanada kuchaytirish, xorijda ishlash uchun qulay sharoitlar yaratish, mehnat qilayotganlarni huquqiy himoya qilish va ularga ko'maklashish zarurati dolzarb bo'lib qolayotganligini ta'kidlaydi.

Bu borada, xususan, quyidagilarga e'tibor qaratishni urg'ulaydi:

- "Tashqi mehnat migratsiyasi to'g'risida"gi O'zbekiston Respublikasi Qonunini qabul qilish;
- vatandoshlik guvohnomalarini yurtimizning iqtisodiy-ijtimoiy hayotida ishtirok etishga intilayotgan vatandoshlarga berish amaliyotini joriy etish;
- xorijda istiqomat qilayotgan vatandoshlar uchun maxsus teleko'rsatuvlarni yo'lga qo'yish, radioeshittirishlar faoliyatini jonlantirish;
- boshqa davlat fuqaroligini qabul qilgan O'zbekiston fuqarosining avtomatik tarza O'zbekiston fuqaroligini yo'qotishi to'g'risida qonun qabul qilinishiga oid tashabbus bilan chiqish.





“MILLIY TIKLANISH”
DEMOKRATIK PARTIYASINING
2025-2029-
YILLARGA MO'LJALLANGAN
SAYLOVOLDI DASTURIGA

ILOVA

MILLIY TIKLANISH" DEMOKRATIK PARTIYASI DEPUTATLARI TOMONIDAN 2025-2029-YILLARDA ISHLAB CHIQISH YOKI TASHABBUS QILISH REJALASHTIRILGAN QONUN LOYIHALARI

- O'zbekiston Respublikasining "Strategik rejalashtirish to'g'risida"gi qonuni loyihasi.
- O'zbekiston Respublikasining "Jinoyatdan jabr ko'rganlarni reabilitatsiya qilish to'g'risida"gi qonuni loyihasi.
- O'zbekiston Respublikasining "Jinoiy ishlari bo'yicha xalqaro xamkorlik to'g'risida"gi qonuni loyihasi.
- O'zbekiston Respublikasining "Hunarmandchilik faoliyati to'g'risida"gi qonuni loyihasi.
- O'zbekiston Respublikasining Ta'lim kodeksi loyihasi.
- O'zbekiston Respublikasining "Tarbiya asoslari to'g'risida"gi qonuni loyihasi.
- O'zbekiston Respublikasining "Lotin yozuviga asoslangan o'zbek alifbosini to'g'risida"gi (yangi tahrirdagi) qonuni loyihasi.
- O'zbekiston Respublikasining "Tashqi yozuvlar to'g'risida"gi qonuni loyihasi.
- O'zbekiston Respublikasining "Teatr va teatr faoliyati to'g'risida"gi qonuni loyihasi.
- O'zbekiston Respublikasining "Kino san'ati va sanoati to'g'risida"gi qonuni loyihasi.
- O'zbekiston Respublikasining "Muzeylar to'g'risida"gi (yangi tahrirdagi) qonuni loyihasi.
- O'zbekiston Respublikasining "Xalq tabobati to'g'risida"gi qonuni loyihasi.
- O'zbekiston Respublikasining Internetda ijod mahsulotlarini tarqatish va himoya qilish to'g'risida"gi qonuni loyihasi.
- O'zbekiston Respublikasining "Milliy sport turlari va xalq o'yinlari to'g'risida"gi qonuni loyihasi.
- O'zbekiston Respublikasining "Tashqi migratsiya to'g'risida"gi qonuni loyihasi.
- O'zbekiston Respublikasining Axborot kodeksi loyihasi.
- O'zbekiston Respublikasining "Onlayn platformalar to'g'risida"gi qonuni loyihasi.

HURMATLI SAYLOVCHILAR!

“Milliy tiklanish” demokratik partiyasi davlatchiligidan rivojining uch ming yildan ziyod tarixiy tajribasi, dunyo tamadduniga beqiyos hissa qo’shgan buyuk allomalarimizning ilmiy, madaniy va ma’naviy merosi, shuningdek, O’zbekiston Respublikasi Konstitutsiyasiga tayangan, Yangi O’zbekiston – suveren, demokratik, huquqiy, ijtimoiy va dunyoviy davlatni barpo etish yo’lidagi tub islohotlarni e’tirof etgan, o’z elektorati irodasini ifodalagan, ularning manfaatlariga xizmat qilishni maqsad qilgan holda milliy va umumbashariy qadriyatlar asosida o’zining 2025-2029-yillarga mo’ljallangan Saylovoldi dasturini e’lon qiladi.

Qadriyatlar asosida xalq hokimiyatining erkinlik, tenglik va birdamlik g’oyalarini ulug’lash maqsad qilingan mazkur Dasturda belgilangan vazifalar Inson, uning hayoti, erkinligi, sha’ni va qadr-qimmatini yuksaltirishga, salohiyatini ro’yobga chiqarish va siyosiy irodasini ifodalashga qaratilganini alohida e’tirof etamiz.

Partiya hokimiyat vakillik organlariga ko’rsatilgan nomzodlar orasidan demokratik yo’l bilan saylangan deputatlari orgali davlat hokimiyatini tuzishda ishtirok etadi hamda ushbu Dasturda belgilangan maqsad va vazifalarni Sizning qo’llovingiz bilan amalga oshiradi.

Partiya bu borada Siz, aziz saylovchilarning qo’llab-quvvatlashingizga tayanadi.

Oliy Majlis Qonunchilik palatasi hamda mahalliy Kengashlarga bo’lib o’tadigan saylovlarda partiyamizdan ko’rsatilgan nomzodlarga bergan ovozingiz Sizning bizga ishonchingizdir!

Barchangizni davlatimiz taraqqiyotiga hissa qo’shishga, xalqaro maydondagi nufuzini oshirish, pirovardida, uni rivojlangan mamlakatga aylantirish yo’lida bor kuch, g’ayrat, bilim va salohiyatingizni safarbar etishga chaqiramiz!

“Qadriyatlarga tayangan taraqqiyot!” g’oyasi atrofida birlashib, mamlakatimiz taraqqiyotini birgalikda ta’minlaymiz!

“MILLIY TIKLANISH” UCHUN OVOZ BERING!